

## МАТБУОТ ВА ОММАВИЙ АХБОРОТ ВОСИТАЛАРИ ХОДИМЛАРИГА

Қадрли дўстлар!

Бугун юртимизда кенг нишонланаётган Матбуот ва оммавий ахборот воситалари ходимлари кунини билан сиз, азизларни, муҳтарам фахрийларимизни чин қалбимдан самимий муборакбод этаман.

Бу айём нафақат ўз ҳаётини шу соҳага бағишлаган фидойи инсонлар, балки уларнинг машаққатли ижод ва меҳнат маҳсулидан баҳраманд бўладиган миллионлаб муштарийлар, тингловчи ва томошабинлар, бутун жамиятимиз учун ҳам қадрлидир.

Мана шундай кунларда миллий матбуотимизнинг тамал тошини қўйган жаҳид боболаримизнинг «Матбуот фикрлар тилмочи, миллат ва эл-юрт ривожини йўлида хизматчи, одамлар онгу шуурининг қўёши, ҳар кимнинг виждонига тутилган кўзгү бўлмоғи лозим» деган фикрлари ҳозирги кунимиз учун ҳам ғоят муҳим аҳамиятга эга эканини таъкидлашимиз табиийдир.

Маърифатпарвар ажодларимизнинг бу олийжаноб орзу-интилишлари фақатгина мустақиллигимиз туғайли рўёбга чиқди.

Кейинги йилларда юртимизда рўй бераётган тарихий ўзгаришлар натижасида оммавий ахборот воситаларини эркин фикр минбарига, халқимиз манфаатларининг фаол ҳимоячисига айлантириш учун мустақкам ҳуқуқий замин, ижтимоий муҳит яратилди.

Биз мамлакатимизда сўз ва матбуот эркинлигини, ахборот олиш ва уни тарқатиш ҳуқуқини таъминлаш масаласини инсон қадрини улуғлаш, демократик жамият ва халқпарвар давлат қуришга қаратилган тараққиёт стратегиямизнинг муҳим ва ажралмас қисми, деб биламиз.

Янгилашган Асосий қонунимизда ушбу йўналишдаги конституциявий қоидалар янада мустақкамлаб қўйилгани бу борадаги сазий-ҳаракатларимиз бардавом эканини кўрсатади.

Ҳозирги кунда юртимизда 2140 та ёки 2016 йилга нисбатан 626 та кўп оммавий ахборот воситаси фаолият юритмоқда. Уларнинг 65 фоизи нодавлат медиа воситалари экани соҳада таркибий ўзгаришлар изчил амалга оширилаётганидан далолат беради. Анъанавий нашрлар билан бирга интернет нашрлар ҳам жадал ривожланиб, уларнинг сони 745 тага етгани ва ўқувчилар оммасини тобора кўпроқ ўзига жалб этаётганини қайд этиш лозим.

Давлат идоралари ва маҳаллий ҳокимликлар таркибиде ахборот хизматлари йўлга қўйилгани халқ билан мулоқотни кучайтиришга сезиларли таъсир кўрсатмоқда.

Давлат органлари ва ташкилотлари фаолиятининг очиқлиги, шаффофлиги ва ҳисобдорлигини таъминлаш, уларнинг очиқлик борасидаги самардорлик кўрсаткичларини белгилаш ҳамда илғор халқаро стандартлар асосида баҳолаш тизими жорий этилди. Жумладан, яқинда биринчи марта ўтган йил якунларига кўра, давлат органлари ва ташкилотларида амалга оширилган ишларни баҳолаш бўйича Очиқлик индекси натижалари эълон қилинган бу йўлдаги муҳим қадам бўлди.

Мамлакатимиз оммавий ахборот воситалари халқаро ахборот маконига ҳам дадил кириб бормоқда. Ўзбекистон Миллий телерадиокомпанияси ҳамда бир қатор хусусий телестудияларнинг кўрсатувлари жаҳоннинг 100 дан ортиқ давлатларига узатишмоқда. Ўзбекистон Миллий ахборот агентлиги, «Дунё» ахборот агентлиги ўз хабарларини 10 та хорижий тилда тарқатмоқда.

Кейинги вақтда юртимизда китобхонликни оммалаштиришдек эзгу ишга нашриёт-матбаа соҳаси ходимлари ҳам муносиб ҳисса қўшаётганини алоҳида эътироф этиш лозим. Сўнги йилларда республика нашриётлари томонидан 132 миллион нуска бадий китоб ва бошқа адабиётлар чоп этилган китобсевар халқимиз, авваламбор, ёшларимизнинг онгу тафаккурини юксалтиришда муҳим роль ўйнаши шубҳасиз.

Оммавий ахборот воситаларини қўллаб-қувватлаш мақсадида ушбу соҳа учун уч йил муддатга даромад солиғи бўйича имтиёзлар берилгани уларнинг иқтисодий ҳолатини барқарорлаштиришда катта мадад бўлмоқда.

Азиз дўстлар!

Бугунги шиддатли даврнинг ўзи барча соҳалар қатори ахборот йўналишида ҳам олдимизга ўта дол-

зарб вазифаларни қўймоқда.

Ҳозирги вақтда ер юзининг турли бурчакларида юз бераётган, барчамизни ташвиш ва хавотирга солаётган воқеаларни ҳисобга оладиган бўлсак, глобал дунёда ахборотлашув жараёнларининг таҳдидли жиҳатлари ҳам борлиги ва улар тобора кучайиб бораётганидан кўз юмолмаймиз.

Дунёнинг айрим минтақа ва ҳудудларида оммавий ахборот воситалари муайян сиёсий кучлар қўлида информацион урушни авж олдиришга, жамоатчилик фикрини чалғитишга, оқни – қора, қорани – оқ, деб кўрсатишга хизмат қилаётганини афсус билан қайд этишга тўғри келади.

Ахборот маконидеги устунлик кўп нарсани ҳал этадиган бугунги мураккаб вазиятда халқимиз сиз, азизларни демократик матбуотнинг асосий шартини талаби бўлган холислик, ҳаққонийлик, миллий манфаатларимизга содиқлик каби принципларга амал қилиб, ўз билим ва салоҳиятини, ўткир қалами ва ҳароратли сўзи билан жамоатчиликка ижтимоий жараёнлар моҳиятини англаб етишга қўмаклашадиган, уларни бузғунчи ахборот хуружларидан ҳимоя қиладиган фидойи инсонлар, деб билади.

Биз жамият ҳаётида учраётган камчилик ва муаммоларни бартараф этиш, бюрократия ва коррупция каби иллатларга қарши курашишда, аввало, сиз журматли журналист ва блогерлар, айниқса, миллий медиа маконимизга янги гоё ва ташаббуслар билан кириб келаётган истеъдодли ёшларимизга таянамиз.

Шу боис кенг миқёсда фикрлайдиган, она тили билан бир қаторда хорижий тилларни, ахборот технологияларини пухта ўзлаштирган, юксак малакали, ватанпарвар журналист кадрларни тайёрлаш масаласига устувор аҳамият қаратилмоқда. Бугунги кунда Ўзбекистон журналистика ва оммавий коммуникациялар университети, Ўзбекистон Миллий университети, Ўзбекистон давлат жаҳон тиллари университети, Тошкент давлат шарқшунослик университети, Қорақалпоқ давлат университети, Бухоро давлат университети каби таълим муассасаларида журналистика йўналиши бўйича юзлаб мутахассислар тайёрланаётгани ҳам шундан далолат беради.

Ушбу олий таълим даргоҳларида талаба ёшларимиз босма оммавий ахборот воситалари ва ноширлик иши, аудиовизуал журналистика, интернет журналистикаси ва менежменти, медиа назарияси ва амалиёти, ҳарбий ва спорт журналистикаси, рақамли медиа, халқаро муносабатлар сингари йиғирмадан зиёд таълим йўналишлари бўйича юқори малакали профессор-ўқитувчилардан маҳорат сирларини ўрганаётгани айниқса эътиборлидир.

Биз Янги Ўзбекистоннинг янги журналистикасини яратиш вазифасини ўз олдимизга қўйган эканмиз, бу борадаги миллий анъаналаримиз билан бирга ривожланган давлатлар тажрибасини ҳам ҳар томонлама ўрганишимиз, оммавий ахборот воситалари бўйича дунёдаги етакчи олийгоҳлар, нуфузли халқаро ташкилотлар ва медиа компаниялар билан ҳамкорлик алоқаларини янада кучайтиришимизни ҳаётнинг ўзи талаб этмоқда.

Шу сабабли оммавий ахборот воситаларини изчил ривожлантириш бундан буён ҳам эътиборимиз марказида бўлиб қолади.

Бу соҳада олдимизда турган вазифаларни аниқ белгилаб олиш ва амалга оширишда ҳозирги вақтда Ўзбекистон Журналистлари уюшмаси томонидан тайёрланаётган Миллий маъруза катта амалий аҳамият касб этади, деб ишонаман.

Фурсатдан фойдаланиб, давлатимиз ва жамиятимиз оммавий ахборот воситалари ходимларининг иш ва турмуш шароитларини яхшилаш, уларнинг машаққатли ва масъулиятли меҳнатини рағбатлантириш, соҳанинг моддий-техник ва кадрлар салоҳиятини мустақкамлаш учун зарур ёрдам кўрсатишга тайёр эканини яна бир бор таъкидлайман.

Сизларни қўллуғ касб байраминингиз ҳамда яқинлашиб келаётган улуғ айём – Қурбон ҳайити билан табриклаб, барчангизга сиҳат-саломатлик, ижодий фаолиятингизда янги ютуқлар, хонадонларингизга бахт-саодат ва файзу барака тилайман.

Шавкат МИРЗИЁЕВ,  
Ўзбекистон Республикаси  
Президенти

## Ўзбекистон Республикаси Президентининг ФАРМОНИ

# МАТБУОТ ВА ОММАВИЙ АХБОРОТ ВОСИТАЛАРИ ХОДИМЛАРИ КУНИ МУНОСАБАТИ БИЛАН СОҲА ХОДИМЛАРИДАН БИР ГУРУҲНИ МУКОФОТЛАШ ТЎҒРИСИДА

Мамлакатимизда сўз ва матбуот эркинлиги, очиқлик ва ошкораликни мустақкамлаш, халқимизнинг ахборот соҳасидаги конституциявий ҳуқуқларини таъминлашга қўшаётган муносиб ҳиссаси, глобал ахборот майдонидеги миллий манфаатларимизни ҳимоя қилиш, юртимиздаги янгилаш жараёнлари, эришилаётган ютуқларни кенг тарғиб этишдаги катта хизматлари, замонавий журналистика йўналишлари учун юксак малакали кадрларни тайёрлаш, ёш авлодни она Ватанга муҳаббат ва садоқат руҳида тарбиялаш борасидаги самарали

фаолияти ҳамда ижтимоий ҳаётдаги фаол иштироки учун қуйидагилар мукофотлансин:

«МЕҲНАТ ШУҲРАТИ»  
ОРДЕНИ БИЛАН

Бутаев Шойим Примкулович – «Хужжатли ва хроникал фильмлар киностудияси» давлат унитар корхонаси муҳаррири  
Мирзаяров Уктам Хайруллаевич – «Гулистон» ва «Театр» журналлари бўлим муҳаррири  
Нуриддинов Хайрулла Бокиджонович – Ўзбекистон Миллий телерадиокомпаниясининг «O'zbekiston 24» teleradiokanali» давлат муассасаси директори

>>>2



Оммавий ахборот воситалари эркиндир ва қонунга мувофиқ иш олиб борадилар. Давлат оммавий ахборот воситалари фаолиятининг эркинлигини, уларнинг ахборотни излаш, олиш, ундан фойдаланиш ва уни тарқатишга бўлган ҳуқуқлари амалга оширилишини кафолатлайди. Оммавий ахборот воситалари ўзи тақдим этадиган ахборотнинг ишончлиги учун жавобгардир.

Ўзбекистон Республикаси  
Конституциясининг 81-моддаси.

Ўзбекистон Республикаси Президентининг

ФАРМОНИ

МАТБУОТ ВА ОММАВИЙ АХБОРОТ ВОСИТАЛАРИ ХОДИМЛАРИ КУНИ МУНОСАБАТИ БИЛАН СОҶА ХОДИМЛАРИДАН БИР ГУРУҲИНИ МУКОФОТЛАШ ТЎҒРИСИДА

>>> 1

«ДЎСТЛИК» ОРДЕНИ БИЛАН

Алимбекова Жумакул Мауленовна – «Нурлы жол» газетаси масъул котиби  
 Арипов Махмуджон Мусинович – Ўзбекистон Миллий телерадиокомпаниясининг «O'zbekiston 24» телеканали бўлим катта муҳаррири  
 Ахроров Мирасрор Мирабирович – «Овози тожик» газетасининг Фарғона ва Андижон вилоятлари бўйича муҳбири  
 Джунайдуллаева Угиллой Инатуллаевна – Ўзбекистон Миллий телерадиокомпаниясининг Самарқанд вилояти телерадиокомпанияси гуруҳ муҳаррири  
 Ережепов Бахитбай Кенгесбаевич – Ўзбекистон Миллий телерадиокомпаниясининг «Nukus teleradiomarkazi» филиали бош овоз режиссёри, Қорақалпоғистон Республикаси  
 Садиков Хусанбори Мирганиевич – «Муштум» журнали бош расмони  
 Шаметов Бахтиёр Алметович – Ўзбекистон Миллий телерадиокомпаниясининг «Toshkent» teleradiokanali давлат муассасаси гуруҳ бош режиссёри

II ДАРАЖАЛИ «СОҶЛОМ АВЛОД УЧУН» ОРДЕНИ БИЛАН

Камилов Сардор Абдурахимович – «Milliy telekanal» масъулиятли чекланган жамиятининг бош муҳаррири ва продюсери  
 Оманов Муҳиддин Саттарович – «Ўзбекистон наشريети» давлат унитар корхонасининг болалар ва бадиий адабиётлар тахририяти мудири  
 Ражабов Дилшод Эсанович – «Муҳаррир» наشريети бош муҳаррири

«СОҶЛОМ ТУРМУШ» МЕДАЛИ БИЛАН

Талипжанова Шафоат Манаповна – Ўзбекистон Миллий телерадиокомпаниясининг «Sport» teleradiokanali давлат муассасаси бош муҳарририят катта муҳаррири  
 Файзиев Даврон Ахмеджанович – Ўзбекистон футбол ассоциациясининг маркетинг ва медиа бўлими бошлиғи

«ШУҲРАТ» МЕДАЛИ БИЛАН

Абдуназаров Равшан Саттарович – «Радиоалоқа, радиоштитириш ва телевидение маркази» давлат унитар корхонасининг Сурхондарё радиотелеузатиш маркази станция етакчи муҳандиси, Сурхондарё вилояти  
 Ажимуратов Азамат Лепесбаевич – Қорақалпоғистон Республикаси Жўқорғи Кенгесининг ахборот бўлими бошлиғи  
 Арслонова Жамила Амировна – Зангиота тумани «Истиқбол» газетаси муҳбири, Тошкент вилояти  
 Ахмедов Иброхим Рахимович – «Гранд» радиостанцияси бош муҳаррири ва бошловчиси  
 Ахмедов Қобулжон Холиқович – «Mening yurtim» телеканали бош директори  
 Воҳидов Журъат Самандарович – Ўзбекистон Миллий телерадиокомпаниясининг Бухоро вилояти телерадиокомпанияси монтажчиси  
 Давлетова Нозимахон Элдаровна – Миллий масс-медияни қўллаб-қувватлаш ва ривожлантириш жамоат фонди директори  
 Жўраев Олим Эргашевич – Бухоро вилояти ҳокимининг ахборот сиёсати масалалари бўйича маслаҳатчиси – матбуот котиби

Исмаилов Музаффар Абдуллаевич – «Daryo.uz» веб-сайти раҳбари  
 Кайсаров Тимур Адихамович – «Янги Ўзбекистон» ва «Правда Востока» газеталари тахририяти масъул котиби  
 Кенжаев Руслан Алишерович – «Халқ сўзи» ва «Народное слово» газеталари бош муҳаррирининг ўринбосари  
 Қосимова Нориниса Эргашевна – Ўзбекистон Ёзувчилар уюшмасининг Сирдарё вилояти бўлими бош мутахассиси  
 Мадумарова Бахриниса Тўхтасин қизи – «Zamon.uz» веб-сайти бош муҳаррирининг ўринбосари  
 Мазитов Абдураим Маликович – «Шарқ» нашриёт-матбаа акциядорлик компаниясининг муқовалаш цехи ишчиси  
 Мамиров Суғандик Махамматович – Ўзбекистон Журналистлари уюшмаси бош мутахассиси  
 Муминов Эргаш Абдумигатович – Ўзбекистон Миллий телерадиокомпаниясининг «O'zbektelefilm» давлат муассасаси саҳналаштирувчи кинорежиссёри  
 Насирова Иродахон Хусановна – «Zo'g TV» телеканалнинг продюсери ва бошловчиси  
 Отабоева Гулнара Хосилжоновна – Ўзбекистон Миллий телерадиокомпаниясининг Наманган вилояти телерадиокомпанияси «Асп» студияси сиёсий шарҳловчиси  
 Расулов Баходир Бахтиёрвич – Ўзбекистон Миллий телерадиокомпаниясининг «O'zbekiston 24» телеканали телеоператори  
 Рахимова Раъно Мирфазиловна – Ўзбекистон Миллий телерадиокомпаниясининг «O'zbekiston» teleradiokanali давлат муассасаси суҳандони  
 Рахимходжаев Зайниддин Хусниддинович – Ўзбекистон Республикаси Президентининг Матбуот хизмати хузуридаги Медиа-маркази етакчи мутахассиси

Ризаев Акбар Мансурович – Ўзбекистон Республикаси Ахборот ва оммавий коммуникациялар агентлигининг Оммавий коммуникациялар масалалари бўйича маркази бошлиғи  
 Рузиева Фазила Мухторовна – Алишер Навоий номидаги Ўзбекистон Миллий кутубхонасининг ихтисослашган фонд ва мажбурий нусхаларни сақлаш хизмати раҳбари  
 Саидов Икром Туляганович – Ўзбекистон Миллий телерадиокомпаниясининг «Махсус автокорхона» давлат муассасаси ҳайдовчиси  
 Тошнисязова Гулмира Хусановна – «Kun.uz» веб-сайтининг Тошкент шаҳри бўйича муҳбири  
 Умаров Дилшод Содикович – Ўзбекистон Миллий телерадиокомпаниясининг «Dunyo bo'ylab» telekanali давлат муассасаси эфирга узатиш бўлими бош режиссёри  
 Уринбаева Севара Кучкаралиевна – Ўзбекистон Республикаси Адлия вазирлигининг Ахборот хизмати раҳбари – жамоатчилик билан алоқалар бўлими бошлиғи  
 Хаитахунов Шукур Джалилович – Жалақудуқ тумани «Жалақудуқ ҳаёти» газетаси муҳаррири, Андижон вилояти  
 Шодиева Лолажон Озодовна – Ўзбекистон Миллий телерадиокомпаниясининг «Mahalla» радиоканали режиссёрлар бўлими бош режиссёри  
 Яхшибоева Озода Абдуҷалоловна – Ўзбекистон Миллий телерадиокомпаниясининг Қашқадарё вилояти телерадиокомпанияси гуруҳ муҳаррири

Ўзбекистон Республикаси Президенти Ш.МИРЗИЁЕВ

Тошкент шаҳри, 2023 йил 26 июнь

**Тошкент шаҳри**

## Муҳим вазифалар муҳокамаси

Таълим ва фан ходимлари касаба уюшмаси Тошкент шаҳар кенгаши ижроия қўмитасининг навбатдаги мажлиси бўлиб ўтди.

Унда тармоқ тизимидаги таълим муассасалари касаба уюшма қўмиталари, туман кенгашлари раислари ҳамда Ижроия қўмита аъзолари иштирок этди.

Тахлилий ва танқидий руҳда ўтган йиғилишда иш фаолиятида йўл қўйган камчиликлари учун қатор бош-

**Йиғилиш**

лар ва туман кенгашлари фаолияти эътироф этилди.

Бундан ташқари, Ижроия қўмита мажлисида Таълим ва фан ходимлари касаба уюшмаси Тошкент шаҳар кенгаши касаба уюшма бюджет ва Тошкент шаҳар ташкилотлари касаба уюшма бюджетининг 2022 йил бўйича бажарилиши ва тармоқ тизимида келиб тушган фуқаролар мурожаатлари, уларнинг касаба уюшмаси томонидан қай даражада қаноатлантирилгани борасидаги ҳисоботлар тинланди.

Йиғилишда олий таълим муассасалари бошланғич касаба уюшма ташкилотлари ва туман кенгашларига қатор вазифалар топширилди.

**Умиджон ҚИЛИЧЕВ,**  
 Таълим ва фан ходимлари касаба уюшмаси Тошкент шаҳар кенгашининг ташкилий ишлар бўйича мутахассиси





**Тадбир**

Миллий матбуот марказида «Қишлоқ қурилиш банк» томонидан аҳолига ипотека кредитлари ажратилиши борасида амалга оширилган ишларга бағишланган матбуот анжумани ўтказилди.

Унда ҳукумат қарорларининг банк фаолиятидаги ижроси ҳақида сўз юритилди.

## Ипотека кредитлари соддалаштирилмоқда

Бугунги кунда 4 та йўналишда аҳолининг уй-жой харид қилиши учун ипотека кредитлари йўналтирилмоқда. Ўтган йилда янги тартибларга асосан, аҳолига мазкур банкдан 1 трлн. 864 млрд. 400 млн. сўмлик ипотека кредитлари берилган.

Кейинги пайтларда бу борада қатор қулайликлар яратилмоқда. Кредитларни расмийлаштиришда ортиқча оврагарчиликларнинг олдини олиш чора-тадбирлари кўрилмоқда. Жумладан, шу мақсадда аҳолидан ортиқча ҳужжатлар талаб қилинмаяпти.

Тадбирда ипотека кредитлари турлари ва миқдорлари, шунингдек, банкнинг келгусида шу йўналишда белгиланган режалари ҳақида маълумот берилди.

**Умида ХУДОЙБЕРГАНОВА**  
«ISHONCH»

**Хоразм вилоятининг бир гуруҳ маҳалла хотин-қизлар фаоллари Тошкент вилояти Бўстонлиқ туманидаги «Livingstone» дам олиш масканида ҳордиқ чиқаришди.**

Ушбу саёҳат Ўзбекистон касаба уюшмалари Федерацияси ташаббуси билан амалга оширилди.

Тоғ ён-бағрида дам олиш дилга нур, ақлга шуур бергандек бўлди. Саёҳатнинг охириги кунда Тошкент шаҳри бўйлаб саёҳат уюштирилди.

– «Шон-шараф» музейи бебаҳо ёдгорлик экспонатларига бой экан. Саёҳат асноси бир зумга ўзимни уруш даврига тушиб қолгандек ҳис қилдим. Айниқса, ярадор аскарларни даволаётган аёл образи менда ўзгача таассурот қолдирди, – дейди Хива туманидаги «Куч каттабоғ» маҳалла фуқаролар йиғини фаоли Насиба Рўзметова.

– Уч кундирки, ватанимизнинг энг гўзал гўшаларида маданий ҳордиқ чиқардик – дейди Урганч

## ФАОЛЛАР ЭЪЗОЗДА

тумани «Шодлик» маҳалла фуқаролар йиғини фаоли Муборак Эшчанова. – Бўстонлиқ ҳавоси бизга жудаям уш ёқди. Табиат қўйнида кўп йиллик чарчоқларимиз чиқиб кетди. Аёлларга кўрсатилаётган эҳтиром ва эътибордан жудаям хурсандимиз. Кўп йиллардан бери ушбу тизимда ишлаганим учун айта оламани, хотин-қизлар фаоли лавозимининг жорий этилгани айни мудо бўлди. Аёлларнинг дардига малҳам бўлишга, чорасизликда қолганда тўғри йўл кўрсата олаётганимиздан хурсандман. Кези келганда, меҳнатимизни қадрлаб, бизни мана шундай дам олиш масканларига йўлланма берган Ўзбекистон Касаба уюшмалари Федерациясига ўз миннатдорчилигимни билдираман.

– Касаба уюшмалари томонидан уюштирилган саёҳат бизга ёрқин хотираларни тақдим этди, – дейди Янгибозор тумани «Наврўз» маҳалласи хотин-қизлар фаоли Умида Ҳасанова.

Хоразмининг турли туманларидан келган хотин-қизлар фаоллари билан танишдик. Дилдан суҳбатлашдик. Саёҳат бизга янада куч-ғайрат берди, шижоатимиз ошди.

Ўзбекистон касаба уюшмалари Федерацияси ташаббуси билан амалга оширилган саёҳат Тошкент шаҳрида ўз ниҳоясига етди. Саёҳатчилар ёрқин таассуротлар билан Урганчга жўнаб кетишди.

**Феруза РАҲИМОВА**  
«ISHONCH»



